

VENDIM
Nr. 92, datë 6.10.2014

**PËR LICENCIMIN E SHOQËRISË “SA’GA-MAT” SHPK NË AKTIVITETIN E
PRODHIMIT TË ENERGJISË ELEKTRIKE NGA HEC-ET “GERMAN 1”, “GERMAN
2”, “GERMAN 3” DHE “GERMAN 4”, ME FUQI TOTALE
4.98 MW**

Në mbështetje të neneve 8 pika 2 germa “a”; 9 dhe 13 pikat 1, germa “a”, të ligjit nr. 9072, datë 22.5.2003, “Për sektorin e energjisë elektrike”, të ndryshuar, neneve 4 pika 1 germa “a”; 5 pika 1 germa “a”; 13 dhe 14 pika 1 të “Rregullores për procedurat e licencimit, modifikimit, transferimit të plotë/të pjesshëm dhe rinovimit të licencave”, të miratuar me vendimin e Bordit të Komisionerëve nr. 108, datë 9.9.2008, Bordi i Komisionerëve të ERE-s, në mbledhjen e tij të datës 6.10.2014, mbasi shqyrtoi kërkesën e shoqërisë “Sa’Ga-Mat” sh.p.k., si dhe relacionin e Drejtorisë së Licencimit dhe Monitorimit të Tregut dhe Drejtorisë Juridike dhe Mbrojtjes së Konsumatorit mbi licencimin në aktivitetin e prodhimit të energjisë elektrike, të kësaj shoqërie, nga HEC-et “German 1”, “German 2”, “German 3” dhe “German 4” me fuqi totale 4.98 MW,

konstatoi se:

Aplikimi i shoqërisë “Sa’Ga-Mat” sh.p.k., plotëson tërësisht kërkesat e parashikuara nga ERE në “Rregulloren për procedurat e licencimit, modifikimit, transferimit të plotë/të pjesshëm dhe rinovimit të licencave”, si më poshtë:

- Dokumentacioni i përgjithshëm i përcaktuar në: nenin 9, pikat 1 (formatin e aplikimit); nenin 9, pikat 2 (dokumentacionin juridik, administrator dhe pronësor); nenin 9, pikat 3 (dokumentacioni financiar dhe fiskal) është plotësuar në mënyrë korrekte.

- Dokumentacioni teknik lidhur me tipin e licencës të përcaktuara në: nenin 9, pika 4.1.1 (Të dhëna specifike për HEC); neni 9, pika 4.1.2 (Të dhëna për bllokun e transformimit dhe lidhjen me sistemin); neni 9, pika 4.1.3 (Dokumentacioni teknik dhe grafik); neni 9, pika 4.1.4 (Dokumentacioni tekniko-ekonomik); neni 9, pika 4.1.5.

(Leje nga institucione të tjera) është plotësuar tërësisht.

Për gjithë sa më sipër cituar, Bordi i Komisionerëve të ERE-s

VENDOSI:

1. Të licencojë shoqërinë “Sa’Ga-Mat” sh.p.k., në aktivitetin e prodhimit të energjisë elektrike nga HEC-et “German 1” me fuqi 1,2 MW, “German 2” me fuqi 1,68 MW, “German 3” me fuqi 1,29 MW dhe “German 4” me fuqi 0,81, me fuqi totale 4.98 MW për një afat 30-vjeçar.

2. Drejtoria e Licencimit dhe Monitorimit të Tregut të njoftojnë aplikuesin për vendimin e Bordit të Komisionerëve të ERE-s

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit Ahmeti